

**Fundargerð****475. fundur Sveitarstjórnar Skaftárhrepps haldinn í fundaraðstöðu  
Kirkjubæjarstofu þekkingarseturs Klausturvegi 4, 2. hæð,  
miðvikudaginn 27. apríl 2022, kl. 16:00.****Fundinn sátu:**

Bjarki Guðnason, Katrín Gunnarsdóttir, Jón Hrafn Karlsson, Jóna Björk Jónsdóttir og  
Heiða Guðný Ásgeirsdóttir.

**Fundargerð ritaði:** Sandra Brá Jóhannsdóttir, sveitarstjóri.

Fundurinn er aukafundur sveitarstjórnar Skaftárhrepps. Fundargerð er tölvuskráð og er 3  
bls. Fundurinn er einnig hljóðritaður og verður hljóðritun geymd í tölvukerfi  
sveitarfélagsins. Fundinum verður einnig streymt á  
Youtube; [https://www.youtube.com/watch?v=Sd\\_XGZsELrQ](https://www.youtube.com/watch?v=Sd_XGZsELrQ)

Bjarki Guðnason býður fundarmenn og áhorfendur velkomna.

**Fundargerðir til samþykktar**

1. 2204003F - Skipulagsnefnd - 173
  - 1.1 2203005 - Snæbýli 1 - dsk ferðapjónusta

**Niðurstaða Skipulagsnefnd - 173**

Skipulagsnefnd leggur til að deiliskipulagið verði auglýst skv. 41. grein  
skipulagslaga nr 123/2010 og þá samhliða auglýsingu á endurskoðuðu  
aðalskipulagi Skaftárhrepps 2019-2031

**Sveitarstjórn staðfestir afgreiðslu nefndarinnar.**

- 1.2 1710004 - Virkjun í Hverfisfljóti

**Niðurstaða Skipulagsnefnd - 173**

Skipulagsnefnd leggur til við sveitarstjórn að framkvæmdaleyfi fyrir  
Hnútvirkjun í Hverfisfljóti verði samþykkt skv. framlögðum gögnum og  
framkvæmdaleyfi gefið út skv. reglugerð nr. 772/2012 Framkvæmdaðila er  
jafnframt bent á nauðsyn þess að taka tillit til vegabóta á heimreið frá  
þjóðvegi að Dalshöfða.

RÞG, JHK og BVG samþykkja veitingu framkvæmdaleyfis  
BKG og GBP hafna þessari afgreiðslu

BG, KG og JHK staðfesta afgreiðslu RÞG, JHK og BVG. JBJ og HGÁ  
hafna afgreiðslunni.

Z-listi óskar eftirfarandi bókunar;

Z listinn Sól í Skaftárhreppi leggst alfarið gegn veitingu  
framkvæmdaleyfis Hnútvirkjunar í Hverfisfljóti og vísar til efnislegs  
rökstuðnings sem fram kemur í bókunum í skipulagsnefnd  
sveitarfélagsins og sveitarstjórn, svo og umsögnum fagstofnanna,  
það er Skipulagsstofnunar, Umhverfisstofnunar og

HGA  
JHK  
KG  
BVG  
OO



### Náttúrufræðistofnunar auk aðsendra athugasemda.

Náttúra Skaftárhrepps er einstök og er gegnum ferðaþjónustu stærsta tekjulind sveitarfélagsins auk þess sem ferðaþjónusta fellur vel sem tekjumöguleiki með landbúnaði. Náttúra svæðisins er ómetanleg landinu öllu af sömu ástæðum, mikilvægi landslagsheilda, jarðfræðilegra minja og sögu lands og þjóðar. Náttúra svæðisins er ekki einkamál heimafólks en með framkvæmdinni verður gljúfri sem myndast hefur frá lokum Skaftárelda raskað og er það á fáum stöðum, ef nokkurstaðar, sem hægt er að horfa á slíkt gljúfur verða til.

Sveitarstjórn fer með skipulagsvald en það er afar umhugsunarvert að meirihluti sveitarstjórnar með 141 atkvæði á bak við sig í síðustu sveitarstjórnarkosningum geti tekið ákvörðun um að heimila slíka framkvæmd. Þessi 141 atkvæði eru 0.08% af greiddum atkvæðum á landsvísu í sveitarstjórnarkosningum 2018. Valdi fylgir ábyrgð og er þetta skýrt dæmi um að skipulagsvald sveitarfélaga án beinna aðkomu fagstofnana þarf að endurskoða þar sem frændsemi, vinfengni og greiðasemi við nágranna geta leitt til ákvarðana með skelfilegum óafturkræfum afleiðingum fyrir heildarhagsmuni þjóðarinnar.

Sérstaka áherslu leggur Z listinn á þá staðreynd að rök meirihlutans um að Hnútvirkjun tryggi afhendingaröryggi rafmagns í sveitarfélaginu eru röng þar sem gert er ráð fyrir að stöðva virkjunina hluta úr ári, jafnvel bæði sumar og vetur annars vegar vegna aurburðar og hins vegar vatnspurrðar. Þar fer sú eina ástæða, sem tefla mætti fram með lágmarks sannfæringarkrafti, fyrir því að rjúfa landslagsheild sem ósnortin er af virkjanaframkvæmdum öðrum en litlum heimarafstöðvum.

D-listi leggur fram eftirfarandi bókun;  
Sveitarstjórn Skaftárhrepps telur að virkjun í Hverfisfljóti muni bæta tekjumöguleika sveitarfélagsins til framtíðar, bæði með beinum og óbeinum hætti, hvort sem er með störfum á uppbyggingartíma eða til framtíðar. Jafnframt muni virkjunin gefa græna orku sem aflað er innan sveitarfélagsins á ábyrgan hátt og með sjálfbærni að leiðarljósi. Virkjunin mun einnig bæta öryggi á afhendingu raforku í sveitarfélaginu. Framkvæmd þessi samræmist aðgerðaráætlun stjórnvalda varðandi orkuskipti á landinu en í henni er stefnt að því að auka hlutdeild innlendra endurnýjanlegra orkugjafa á kostnað jarðefnaeldneytis

1.3 2204006 - Errósetur - umsókn um lóð á skólareit

### Niðurstaða Skipulagsnefnd - 173

Skipulagsnefnd vísar umsókninni til frekari dsk-vinnu á svæðinu milli Klausturvegar og Skaftár.

Sveitarstjórn staðfestir afgreiðslu nefndarinnar



## 1.4 1904001 - Endurskoðun Aðalskipulags

**Niðurstaða Skipulagsnefnd - 173**

Skipulagsnefnd, með ráðgjöfum Landmótunar, hefur farið yfir athugasemdir SLS frá 30.mars 2022 og leggur til við sveitarstjórn að óskað verði heimildar SLS að auglýsa uppfært endurskoðað ASK Skaftárhrepps 2019-2031 skv. skipulagslögum nr 123/2010

**Sveitarstjórn staðfestir afgreiðslu nefndarinnar.**

**Z-listi óskar bókunar;**

**Z-listinn, Sól í Skaftárhreppi ítrekar og endurtekur bókun sína frá 23 febrúar.**

Z-listinn, Sól í Skaftárhreppi telur að í Aðalskipulagi Skaftárhrepps 2019- 2031 séu margir jákvæðir þættir svo sem tenging við heimsmarkmið Sameinuðu þjóðanna, áhersla á landgræðslu og náttúruskóga, loftslagsvænar lausnir við bindingu jökulleirs og gefið er rými til uppbyggingar allt að 200 kw smávirkjana. Z-listinn harmar það hins vegar að inn í Aðalskipulaginu eru þrjár virkjanir rétt innan við 10 MW auk þeirra virkjana sem eru yfir 10 MW og eru til umsagnar í Rammaáætlun 3.

Skaftárhreppur hefur til þessa verið óraskaður af slíkum framkvæmdum enda er á svæðinu einstök jarðfræði og náttúruminjar sem ber að vernda til framtíðar. Auk þess er hætt við að ferðaþjónusta sem haldið hefur uppi íbúafjölgun innan sveitarfélagsins undanfarin ár muni skaðast af þessum fyrirhuguðum framkvæmdum. Z-listinn myndi heldur vilja sjá Skaftárhrepp leggja áherslu á þá mikilvægu sérstöðu sína að vera virkjanalaust svæði, utan heimarafstöðva.

Næsti sveitarstjórnarfundur verður haldinn miðvikudaginn 11. maí nk.  
Fundargerð lesin upp og samþykkt.

Fundi slitið kl. 16:30.

  
Bjarki Guðnason

  
Katrín Gunnarsdóttir

  
Jón Hrafn Karlsson

  
Jóna Björk Jónsdóttir

  
Heiða Guðný Ásgeirsdóttir

